

ՖՐԱՆՍԵՐԵՆ ԱՇԽԱՏՈՒԹՅՈՒՆ ՀԱՅ ԺՈՂՈՎՐԴԻ ՊԱՏՄՈՒԹՅԱՆ ՄԱՍԻՆ

Մեր ձավոր Արևելքի պատմության, հնագիտության, աղագրության, արվեստի ու հոգևոր կուլտուրայի պատմության ուսումնասիրմանը արևմտյան գիտնականները առանձնապես մեծ չափերով ձեռնամուխ են եղել 19-րդ դարի երկրորդ կեսում և մասնավորաբար 20-րդ դարում: Արևելքի նպատամար նրանց հետաքրքրությունը աճում էր արևմտյան տերությունների կողմից արևելքը տնտեսապես և քաղաքականապես նվաճելու քաղաքականության դուզման: Նույն է եղել նաև Հայաստանի նկատմամբ արևմտյան տերությունների ցուցաբերած հետաքրքրության պատճառներով:

Բուրժուական գիտնականներն այդ ուսումնասիրությունը կատարել են իդեալիստական հիմունքներով, պաշտպանելով ռասայական, ազգային ու կրոնական խտրականությունը, արևելքի ժողովուրդները մեկը մյուսին հակադրելու քաղաքականությունը:

Ակադեմիկոս Ռենե Գրոսսեն արևելագիտությանը վերաբերող մի շարք աշխատություններ է տվել: Նրա վերջին գործը վերաբերում է Հայաստանի պատմությանը, որը լույս է տեսել Փարիզում, 1947 թ.¹

Գրախոսվող աշխատության մեջ հեղինակը ներկայացնում է հայ ժողովրդի քաղաքական պատմությունը սկզբից մինչև 1071 թ. բաժանելով այն տասներկու զույգների:

Սակայն հայ ժողովրդի պատմությունը Ռենե Գրոսսեն շարադրում է իդեալիստական և մետաֆիզիկական հիմունքներով, բուրժուական մոտեցումով: Հայաստանը դիտելով որպես խոշոր տերությունների (մասնավորապես եվրոպական տերությունների) կցորդ, Գրոսսեն պարսպափանքի է ենթարկում Հոմերին ու Բյուզանդիային՝ «այս անգամ ևս լքեցին

հայերին» լողունով: Աղագմիջյան վեճերն ու անհամաձայնությունները դիտում է որպես «ֆեոդալական էթիկա», կամ նրանց տալիս է կրոնական իդեալիստական մեկնարանություն:

* *

Աշխատությունն սկսվում է հայկական լեռնաշխարհի նկարագրությամբ, որտեղ տրվում է աշխարհագրական միջավայրի ընդթափանցությունը: Համեմատելով Մեր ձավոր Ասիայի մյուս երկրամասերի հետ, հեղինակը հայկական աշխարհագրական միջավայրին հատուկ է համարում երկու զխավոր ընթացիկ՝ խորը ինքնատիպությունը և ներքին մասնատվածությունը: «Սրանից են առաջանում հայոց պատմության երկու բնորոշ կողմերը: Մի կողմից հայ ազգի հզոր ինքնուրույնությունը, որ նրան հնարավորություն տվեց պահպանելու յուր զուրկությունը հակառակ բոլոր ներխուժումների, զերիշխանությունների ու կատաստրոֆների, մյուս կողմից արմատացած ֆեոդալիզմը, որ հնուց մինչև 1064 թ. առիթ հանդիսացավ Հայաստանի համար թուլացման ու անհամաձայնության» (էջ 13):

* *

2-րդ զխում է հեղինակը խոսելով Հայաստանի նախնադարյան շրջանի մասին, գտնում է, որ նախապատմական շրջանում այս երկրամասում ապրել է մի ժողովուրդ, որի տնտեսությունը մեջ օրսիգաբարը մեծ դեր է խաղացել: Գրոսսեն կրկնում է ժակ դե Մորգանի և այլոց սխալ տեսությունը, թե Հայաստանը պալեոլիթի, մանսվանդ ստորին պալեոլիթի ժամանակաշրջանում բնակեցված չի եղել:

Սովետական գիտնականները այս տեսությունը ժխտելիս գտնված նյութական գյուտերի վրա հիմնվելով: Հաստատվեց, որ սկսած ստորին պալեոլիթից վաղ շելյան շրջանից, այս երկրամասը բնակեցված է եղել:

¹ Rene Grousset: de l'Academie Française, conservateur du Musée Cernuschi. Histoire de l'Arménie, des origines à 1071. Avec dix cartes et cinq tableaux généalogiques Payot, Paris, 1947.

* *

Հայաստանի նախահայկական շրջանի մասին հեղինակը խոսում է 3-րդ գլխում:

Հիթիթական աղբյուրների վրա հիմնվելով հեղինակը գտնում է, որ Հայաստան, Աղղի Իսուվա, Ալշն հրկրամասի ժողովուրդները 1200 թ. (մեր թվականից առաջ) կամա-ակամա ենթարկվել են հիթիթական հեզեմոնիային:

Ռենն Գրուսեն Ուրարտական կուլտուրայի ձևացորդները համարում է ասորա-բարելական փոխառություն, անտեսելով ճարտարապետություն և մետաղագործական արվեստի զարգացման պրոցեսը, շինարարության զարգացումը, սխալ է նրա այն կարծիքը, թե «Ուրարտական արվեստ»-ի մասին խոսելը չափազանցություն պիտի լիներ, քանի որ մեզ հասած գործերը Ասորական ազդեցություն են ցույց տալիս: Թեև Ասորեստանի ազդեցությունը Ուրարտույի վրա անուրանալի է, սակայն ուրարտական ինքնուրույն և բարձր զարգացման հասած մետաղամշակությունը և բազալտի շարվածքով բարձրարվեստ ճարտարապետությունը՝ Վանում, Մուսասիրում և այլուր, իրավունք չեն տալիս ուրարտական կուլտուրան Ասորա-Բարելական պարզ փոխառություն համարել: Պարզ ու մեխանիկական փոխառություններով կուլտուրա չի ստեղծվում. Ուրարտական պետություն ու կուլտուրայի առաջացումն առանց ուրարտացիների և հայկական լեռնաշխարհի մյուս բնիկների նյութական արտադրության և հասարակական կյանքի զարգացման՝ դարձյալ նախորդող փորձից, անհնարին է պատկերացնել: Ուրարտուն ոչ թե սոսկ «առել է Ասորա-Բարելական նյութական կուլտուրայից այն, ինչ որ իրեն համար հարկ էր, հյուսիսում Արաքսի և Սևանի երկրամասում յուր պերագանցությունն ապահովելու և հարավում յուր տաշտպանությունը կազմակերպելու համար Ասորեստանի դեմ», այլև նա ստեղծել է ինքնուրույն նյութական կուլտուրա, օգտագործելով յուր երկրամասի նյութական հնարավորությունները և այդ պայմաններին հիման վրա միայն կարողացել է «Միացնել իրկիրը, ի մի հավաքելով հայկական Տավրոսից մինչև Չալդիր, Տերսիմից մինչև Սևանա լիճ հարյուր այլազան տոհմեր միացված քաղաքական և կուլտուրական հասարակական համակեցությունը» (էջ 64):

* *

4-րդ գլխում խոսելով Հայաստանի առաջին քարերի մասին, հեղինակը բննարկում է հայ ժողովրդի և հայերենի ծագման ու աղբյուրը թուրքական կարևոր հարցերը, որոնք բուր-

ժական պատմագիտներին, լեզվագետներին և հնագետներին խիստ շատ են դրադեցրել ավելի քան մեկ դարուց ի վեր: Ռենն Գրուսեն իր նախորդների հետևությունները հայ ժողովրդի ու նրա լեզվի առաջացումը կապում է հնդկարական նախադի, նախալեզվի հետ և մեկնարկում է միգրացիոն, իր հիմքով ռասայական տեսություններ:

Հայ ժողովուրդը, ինչպես և դրա նյութական և հոգևոր կուլտուրան հետևանք են հայկական լեռնաշխարհի բնիկների հասարակական դարավոր զարգացման: Ընկնող ցեղերի և նրանց կուլտուրաների խառնակումները այս կենսական և օրինաչափ պատմական պրոցեսի մեջ երևան են գալիս որպես անցողիկ մեծանուններ:

Հայ ժողովրդի ծագումը Գրուսեն բացատրում է փոյուղյան ցեղախմբերից կտրված մի հատվածի դեպի Փոքր Ասիա զաղթելով և պնդում է, որ փոյուղյան ցեղից «կտրված» այդ հատվածը ստիպված է զնալ փնտրել ավելի հեռու դեպի արևելք մի նոր հայրենիք: «Այդպես կազմակերպված արմենների ծագումը» (էջ 68): Ի հաստատումն յուր այս հակապատմական և սխալ եզրակացության՝ վկայակոչում է Հերոդոտի և Էվդոքիոսի վկայությունները, որոնք չեն կարող հիմք կազմել նման եզրակացությունների համար:

Սխալ է միգրացիայի տեսությամբ բացատրել մի ժողովրդի առաջացումը, այն էլ ենթադրական, երբեմն էլ երևակայական թեզիսներով:

Սովետական Հայաստանի դիանականներն ապացուցել են, որ «հայ ժողովրդի կազմավորումը տեղի է ունեցել հայկական հողի վրա, տեղական էթնիկ բաղադրի վրա, և տեղական հասարակական-պատմական, էթնիկ և կուլտուրական միջավայրում»:

Այնուհետև Գրուսեն առաջ է քաշում այն հարցը, թե ինչու հայերը իրենք իրենց կոչում են «հայ» և իրենց բնակած երկիրը «Հայաստան», պարսիկները նույն երկիրը ճանաչում են որպես «Արմինա», իսկ հույները՝ «Արմենիա» կամ «Արմենիս», բայց նա առաջադրված հարցի պատասխանը չի տալիս, սահմանափակվելով այն նշումով, թե «Այդպես հաճախ երևում է, որ մի ժողովուրդ տարրերից ճանաչված լինի մի ուրիշ անվանումով, քան ինչ որ իրենք իսկ իրենց տալիս են: Հույները իրենք իրենց հելլեններից կամ ախեններից դատուրիշ կերպ չէին

1 Բ. Առաքելյան, Միգրացիոն տեսություններ և հայ ժողովրդի առաջացման հարցը, Երևան, 1948, էջ 33:

անվանակոչում, նրանք հոռովմեական աշխարհում ճանաչվեցին որպէս „vreci“ անվանակոչումով (էջ 74):

Ինչ խոսք, որ Գրուսին հիմնովիով անալոգիայի թեորիայի վրա, անտեսում է այն, որ հայկական լեոնաշխարհի կենտրոնական և արեւմտյան մասում հանդես է գալիս հայաստազգի տոհմացեղային միութիւնը մեր թ. ա. 15-րդ դարում, որը, մոտ երեք դար ռազմական ընդհարումների մեջ էր գտնվում խեթական պետութեան հետ և որի հետ պահպանում էր քաղաքական ու տնտեսական հարաբերութիւնները: Հայաստանում սեփական զորք, բավականաչափ զարգացած տնտեսութիւն և կուլտուրա:

Նույնը կարելի է ասել և Հարավային Հայաստանում կազմավորված Արիմների (կամ Արմին) ցեղային միութեան մասին: Այս երկու ցեղային միութիւնները հայ ժողովրդի կազմավորման մեջ շատ այլ ցեղային միութիւնների ու խմբակցութիւնների թվում առավել վճռական դեր են կատարել և, ինչպես ապացուցել են սովետական դիտնալանները, առաջինների անունով նոր կազմավորված ժողովուրդն իրեն կոչել է հայ և իր երկիրը Հայաստան, իսկ Արմին և Արմենիա անունները ծագում են երկրորդ խոշոր ցեղային միութեան անունից և այսպես կոչել են մեզ Արիմները՝ հարավային հարեանները՝ մեղացիք և պարսիկները, ապա հույներ և հռովմեացիք:

ՌԵՆԵ Գրուսեի գրքի 5-րդ գլուխը բնագործում է Արաաշխյան գիտնականի մոտավորապես երկու հարյուր հիսուն տարվա ժամանակաշրջանը:

Բրուսեն սխալ մեկնաբանութիւն է տալիս Մեծ Հայքի և Մոփքի թագավորութիւնների առաջացման հույժ կարեւոր պատմական փաստին: Նա գրում է. «Մեծ Անտիոքոսը հայկական երկրները կառավարեց երկու «ստրատիգ»-ներով, իրանական անուններով Արտաքսիաս և Ջարիարադիս, նրանցից առաջինը՝ բուն Հայաստանը, իսկ երկրորդը՝ Մոփքը ունեցան: Երկու ստրատիգներն իրենց անկախութիւնը հռչակեցին հռովմեական սենատի պրոտեկցիայով, և նրա Սանդուքայնթ թագավորական տիրոջ ստացան» (էջ 81):¹

Ամենից առաջ նկատենք, որ այստեղ չեն բացահայտված հայկական պետականութեան առաջացման հիմնական պատճառները, իսկ ինչ վերաբերում է հռովմեական «պրոտեկ-

ցիային», ապա պետք է ասել, որ այդ անդենցիոդ մոտեցումը գալիս է լատին հեղինակներից: Աշխարհում է միայն այն, որ Հոմեր պատերազմ սկսելով սելեկյան թագավորութեան դեմ, ցանկանում էր, որ այդ պետութիւնը քայքայվի և նրանց ենթակա երկրները անջատվեն: Սակայն Հոմեր բնավ էլ Հայաստանի կամ Արեւելյան այլ երկրների անկախութեան կողմնակիցը, մանավանդ հռովմեավորը չի եղել: Ընդհակառակը, Հոմեր ինքն էր ձգտում զավթել ամբողջ Արեւելքը և հանդիսանում էր Հայաստանի անկախութեան կատաղի թշնամին, սկսած Տիգրան 2-րդի ժամանակներից մինչև մեր թվ. 4-րդ դարը:

Հեղինակը խոսելով Տիգրան 2-րդի և Հոմերի միջև եղած պատերազմների մասին, որպես ազդու վերցնում է Պուտարքոսին և Ռիյնաքի հետեւութեամբ գտնում է, որ «Լուկուլիոսը յուր Տիգրան 2-րդին գրած նամակում մերժում էր ճանաչել նրա զրավումները և հայկական կայսրութեան պրինցիպը, իսկ այս բանը հասկացվում էր այն նամակից, որտեղ Լուկուլիոսը Տիգրանին տալիս էր պարզ «թագավոր» տիտղոսը և ոչ թե «թագավորաց թագավոր»։ Նամակի թվականը ցույց է տալիս 71-70թթ., իսկ 69թ. դարձան Տիգրանը Միհրդատի հետ խորհրդակցութիւն ունեցավ: Մինչդեռ այս վերջինը Պոնտոսը միայն զբաղվելու պիտի դնա, հայկական բանակը պիտի թափանցի Փոքր Ասիա Լիկանոսիայի վրայով: «Լուկուլիոսը նրանց կանխելով ճորձիկապ հաճախեց թշնամի (ընդգծումը մերն է) ուղիղ գնաց Տիգրանակիրտ» (էջ 93):

ՌԵՆԵ Գրուսեն հռովմեական էքսպանսիոնիստական քաղաքականութեան մասին շատ զուսպ և հաշտվողական կարծիք ունի. փոխանակ չեղոք աղբյուրներ փնտրելու, հետեւում է Լուկուլիոսի ներքողանքը տվող Պուտարքոսին: 69 թ. դարձան Տիգրան 2-րդի և Միհրդատի հանդիպումը հռովմեական պատմաբանի կողմից հնարված է ծածկելու համար Լուկուլիոսի Հայաստան ներխուժելու նենգութիւնը: Լուկուլիոսը 69 թ. դարձան, առանց պատերազմ հայտարարելու, զաղտագողի մտավ Հայաստան և այս ակտը Գրուսեն կոչում է «անօրինակ հանդիմութիւն»: Միանգամայն իրավացի էր Մովսես Խորենացին՝ Լուկուլիոսի արշավանքները համարելով ելուղակային:

Տիգրան 2-րդի ժամանակաշրջանը եզրափակելով, հեղինակը պնդում է, թե Պոնտոսի թագավորը յուր ժամանակի ամենազինամիկ անձնավորութիւնն էր, այդ պատճառով էլ նա կարճ ժամանակում յուր թագավորութիւնը կորցրեց, նրա գիտաստիան կործան-

¹ Ընդգծումը մերն է:

Վեց, «մինչդեռ Տիգրանը անպայման նվազ հրապարակայնությամբ թողեց մի գործ, Հայաստանը» (էջ 100): Այլ խոսքով՝ պետութիւններին գոյութիւնն ու ոչնչացումը հեղինակը քաջատրուժ է անհատներին անձնական ընդունակութիւններով ու բնավորութեան գծերով: Միանգամայն հակադիտական ու իդիսլիսաական այս մոտեցումը նկատելի է նաև դրբի այլ բաժիններում:

Հեղինակը Արտաշեսյան թագավորութեան վերջին շրջանի և մեր թվ. 1-ին դարի առաջին կեսի անկայուն վիճակը քաջատրուժ է դեպի Հոռմը կամ պարթեական պետութիւնը հայերի կողմնորոշման փոփոխութիւններով: Նա դրուժ է՝ «Դինաստիական այս անկայունութիւնը, իրոք հայկական ֆեոդալական մեծ ընտանիքների մեկ կամ մյուս թագապահանջի կողմնորոշվելով ապահովում էին իրենց անկախութիւնը, առաջացնելով մի անարխիա» (էջ 104):

Նախ պետք է հիշել, թե այդ ժամանակաշրջանում դեռևս ֆեոդալական կարգի գոյութիւն չունեին, կար հողատիրական ավագանին և կային ռազմիկ ստրկատեր հողատերեր: Իսկ թագավորական իշխանութեան անկայունութիւնը հիմնականում հետևանք էր այն բանի, որ հռովմեացիք, ձգտելով դաժնի Հայաստանը, հայկական դահի վրա բարձրացնում էին իրենց դրածուններին, որոնց գահընկեց անելով, երկրից դուրս էր նետում անկախութեանը ձգտող հայ ժողովուրդը:

* *

Գրքի 6-րդ գլխում Գրուսեն ամփոփում է «Հռովմեական պրոտեկտորատի» և Հայաստանի Արշակունյաց թագավորութեան ժամանակաշրջանը մինչև Տրդատ 3-րդի «որով» քրիստոնեութեան մուտքը Հայաստան՝ 287 թ., այսինքն մոտավորապես երկու հարյուր տարվա մի ժամանակաշրջան:

Ռոնե Գրուսեն հիմնականում հետևելով Տակիտոսին, թերադնահատում է հայ պետականութեան ինքնուրույն գոյութիւնը, նկարագրում է հայ Արշակունյաց և իրերական կրտսեր թագապահանջների կոիմները, Տրդատ առաջինի թագավորացումը 53 թ., հռոմեական թեկնածուների պաշտպանութեան համար 58 թ. Կորբուլոնի կատարած գրավումները, հռովմեացի պատմադրի տենդենցիոզ տեղեկութիւնների հիման վրա հայ ժողովրդին ներկայացնում է որպես հռովմեացիների կողմնակից և թշնամի՝ Արշակունիների: Մինչդեռ այդ նույն ժամանակաշրջանում Հայաստանում մեծ պայքար էր ծավալվել հռոմեացիների դեմ: Արտաշատ քաղաքի կործան-

մանը Կորբուլոնի կողմից սաստկացրի էր հայ ժողովրդի դայրութիւնը, ամեն կողմ պատիգանական կոիմներ էին ծավալվել հռոմեացիների դեմ:

Գրուսեն աշխատում է ծածկել հռոմեական դորավար Պիտուսի պարտութիւնը, նվազեցնելով Ռանդեոյի դաշնագրի պատմական նշանակութիւնը, այն մեկնարանելով որպես «հռոմեական արծիմների պրիստիժը վերականգնելու և Հայաստանում Հոռմի պրոտեկտորատը հաստատելու միջոց», մինչդեռ Ռանդեոյի դաշնագրով Հայաստանում հաստատվում է Արշակունյաց թագավորութիւնը, որը կենաց ու մահու եռիմ մղելով հռոմեական դավթիչների դեմ, պահպանում էր երկրի անկախութիւնը:

3-րդ դ. 20-ական թվականներին իրանում հաստատվեց Սասանյան թագավորութիւնը: Մահացու վտանգ էր սպառնում Հայաստանի անկախութեանը, որի պահպանման համար հայ ժողովուրդը պայքար է սկսում Սասանյան Պարսկաստանի դեմ:

Հեղինակը այնուհետև քննութեան է առնում պարթեական աղղեցութիւնը հայկական կուլտուրայի վրա, դիտելով այն միակողմանի: Այդ աղղեցութիւնը նա տեսնում է՝ փոխառված բառերով, իսկ հելլենական կուլտուրայի թափանցումը գտնում է «Արշակունիների ծառայութիւնում գտնվող արամեական բարտուղարների միջոցով» (էջ 116): Իսկ հողատութեան դնելով Արտաշեսյան դինաստիայի ժամանակը, հայկական արքունիքի հետևած հելլենիզացման հետ, գտնում է, որ այն «ընդունված չէր ոչ վարչականապես և ոչ էլ հայ ժողովրդի կողմից, այլ միայն ճաշակով»: Գրուսեն սխալվում է յուր այս բաղդատութեան մեջ, որովհետև Արտաշեսյան դինաստիայի ժամանակ հելլենիստական կուլտուրան ավելի շեշտված էր և հայկական կուլտուրան աշխատում էր յուրացնել այն՝ տեղական կուլտուրայի հիման վրա, որի հիմքերը՝ ավելի խոր էին քան Արշակունյաց 3-րդ դարում: Այնուհետև տեղեկութիւններ արձանագրելով հեթանոս Հայաստանի պանթեոնի մասին, հեղինակը վկայակոչում է հայկական հին աղբյուրները՝ չիմնվելով Մեյյեյի և Մակլեյի ստուգարանութիւնների վրա, աշխատում է գտնել հայկական պանթեոնում արմենա-փյունիկյան, ուրարտական վերապրումներ և իրանական պանթեոնից փոխառումներ, ղլխավորապես պարթեական շրջանում, շեշտելու համար պարթեա-իրանական աղղեցութիւնը հայկական կուլտուրայում:

Ակադեմիկոս Գրուսեն իդեալիստական սահ-

մանավանդվածությունը չի կարողանում կողմնորոշվել ժողովուրդների կուլտուրաների, մանավանդ իրեն զրադիցնող հայկական կուլտուրայի զարգացման և կապերի հարցերում:

Այս հարցերը քննելիս նա դանց է առնում հարևան երկրների հասարակության զարգացման աստիճանի, հասարակական հարաբերությունների մեջ հղած ընդհանուր յուրաները ու անտեսական կապերի գերն ու նշանակությունը: Նա միաժամանակ, միակողմանի մեկնարանություն է տալիս հարևան երկրների քաղաքական ու կուլտուրական փոխհարաբերություններին և տեսնում է միայն ուժեղները աղղեցությունը թույլերի վրա, կամ մեծ տիրությունների աղղեցությունը փոքր երկրների վրա, վերջիններիս վերագրելով սոսկ ուրիշի կուլտուրան փոխառնողի դեր:

7-րդ գլխում հեղինակը խոսում է մոտ մեկ դարաշրջանի մասին, այսինքն՝ 288 թվից մինչև Արշակունյաց իշխանության անկումը 389 թ.:

Գրիստոնեություն հաստատումից հետո Գրուսեն Արևելքի երկրները բաժանում է ըստ կրոնի և հայ պարսկական կամ հռոմեապարսկական պատերազմներին էլ վերագրում է կրոնական ընդդիմությունը, հայտարարելով, որ զրանք երկու կողմից էլ սրբազան պատերազմ են բրիստոնեության և մազդեզիզմի միջև:

Հեղինակն այս գլխում խոսում է երկրի պառակտվածության մասին առանձին Ֆեոդալական իշխանությունների, նշում է Արշակ 2-րդի պարսիկ պետության կենտրոնացման համար, թագավորական և եկեղեցական իշխանների ընդհարումները, սակայն չի տալիս այդ երևույթների տնտեսական սոցիալական հիմնավորումը և չի օգտագործում հայտնի բոլոր փաստերը:

Հայաստանի քաղաքական պատմությունը 4-րդ դարում, հեղինակի մոտ, ըստ էության հանգում է քաղաքական օրինենտացիաների և հռոմեական պրոտեկտորատի համար մղվող պայքարը:

Հաջորդ 8-րդ գլխում հեղինակը տալիս է պարսիկների դեմ հայ մողովրդի մղած աղատագրական պայքարի շրջանի պատմությունը՝ մինչև արարական արիստոկրատները:

Գրուսեն Հայաստանի առաջին բաժանումը համարում է պատահական ու գիպվածական զիպլումատիկական մի երևույթ:

Այնուհետև կանգնած լինելով Սվրոպայի կողմից Արևելքը «հովանավորելու» տեսակե-

տի վրա, կամենում է, որ Հայաստանը միշտ բրիստոնյա Հռոմի կցորդը մնար: Դրա մեջ է տեսնում և՛ Հայաստանի և՛ Սվրոպայի բարեբաղ:

Այստեղ ակնհայտ կերպով դրսևորվում են հեղինակի արդի քաղաքական հայացքները, որ համընկնում են Ֆրանսիական բուրժուազիայի այն շրջանների հայացքների հետ, որոնք ձգտում էին արևելքի մի քանի ժողովուրդների, կոնկրետ ղեկավարում հայերի հետ «սիրալիք» քաղաքականությունը ուժեղացնել Ֆրանսիայի դիրքերը Արևելքում:

Այս դիրքերից է հեղինակը դատապարտում Բյուզանդիայի կրոնական աննեքսիոնիզմը Հայաստանի նկատմամբ: «Բյուզանդական կրոնական աննեքսիոնիզմը այնքան դժուար էր, որ հարց է ծագում, թե հայաստանյան եկեղեցին ավելի կամ սլակաս ժամանակամիջոցում կլանված պիտի չլիներ» (էջ 166), սրանից հետևելով է, որ Հայաստանի քաղաքական միացումը Բյուզանդիայի հետ, թեև անվերջ տառաջանքների պատճառ եղավ, սակայն ապահովեց յուր հոգևոր ավտոնոմիան:

Այնուհետև՝ անցնելով Պարսկաստանի դեմ 450 451 թ. թ. ապա և 481 թ. ապստամբությունների շարադրմանը՝ հեղինակը դրան տալիս է հայ կղերա-բուրժուական ազգայնական տրադիցիոն մեկնարանություն և նրան վերագրում է առավելագույն կրոնական ընդդիմությունը Ապստամբությունների սոցիալ-տնտեսական և քաղաքական նշանակությունը չեն բացահայտված:

571 թ. ազաազրական շարժումը հեղինակը բացատրում է այն բանով, որ Սյունյաց Վահանի զորամար Սուրեն Մարդպետը սպանում է հունասեր պարսիայի պետ Մանուել Մամիկոնյանին և Դվինում շինել է տալիս ատրուշան, «Որ մի դար առաջ ազգին շփոթություն էր առաջացրել սրտմտեցնելով հոգևորականությանը և ֆեոդալներին: Այսպես առաջացավ ապստամբություն, որի զլուխն էր կանգնել զոհին եղբայրը Վարդան 2-րդ Մամիկոնյանը և Հովհաննես 2-րդ կաթողիկոս Կուրեղյան» (էջ 243):

Արարական ներխուժումներին նախորդող նասանյան էպիսոպոս հեղինակը ուսումնասիրում է Հայաստանի սոցիալ-տնտեսական դրությունը նկարագրությունը: Արձանագրում է դասակարգային շերտավորումներից միայն երկու խումր՝ գանց առնելով սոցիալական հարաբերությունները և դասակարգային պայքարը:

Հեղինակը հայկական ֆեոդալիզմի մասին խոսելով, գրում է. «Մեզ թվում էր, որ ֆեոդալական հասարակարգը վերջնականապես

կազմակերպվել է հետևելով մեծ մասամբ Սասանյան աշխարհի տիպին, այն բացառությամբ, որ իրանյան սասանյանները միապետական ինստիտուտը պահեցին, մինչդեռ հայ ֆեոդալները նրանից թոթափվել էին» (էջ 387)։ Հեղինակը չի ասում, սակայն, թե որոնք են այն աղբյուրները, որոնք ցույց են տալիս, որ իրրե թե ֆեոդալական կարգերը Հայաստանում ձևավորվել են պարսից ազդեցությամբ։ Իրականում այդպիսի աղբյուրներ չկան։ Շատ աղբյուր են պարսկական աղբյուրները՝ Պարսկաստանում ֆեոդալիզմի ձևավորման հարցը լուսաբանելու հասար, մինչդեռ հայկական աղբյուրները բավականապես տալիս են։

Արդեմիկոս Բրուսեն անտեսում է Հայաստանում ամենամեծ ֆեոդալը հանդիսացող հոգեորականությունը, վանքերն ու եկեղեցիները, որոնք նվիրատվություն, դնման ու գրավման միջոցներով խոշոր կալվածներ ունեին Հայաստանի բոլոր շրջաններում։ Անտեսվում է նաև շահագործվող դասի տնտեսական ծանր դրությունը, այն դասը, որը ծանր հարկեր էր վճարում իշխանությունը և ֆեոդալներին։ Հարկերը պանծվում էին հարկահավաքների կամայականությամբ, վճարում էին հողահարկ, որը 6-րդ դարի կեսից հետո պանծվում է նաև փողով, վճարում էին գլխահարկ, բերքահարկ, աշխատավորները ենթարկվում էին մարմնական պատիժների և այլն։

Հեղինակը չի խոսում Հայաստանի տնտեսական կյանքի մասին, նրա ուղղորդությունից վրիպել է, որ Հայաստանը, բացի միջագային փոխանակություն կենտրոն լինելուց, արտադրում էր՝ ձի, ջորի, գինի, ներկ, հացահատիկ, յուղ, մետաղ, գործվածքներ և գորգեր։ Երազանքների մեծ տեղ էին գրավում արհեստավորները, կավագործությունը, կաշեգործությունը, դորդադործությունը, փայտամշակումը, ղենագործությունը, ջուլհակությունը, ռսկերչությունը և այլն։ Այս արհեստները ժառանգորդականացել էին որդեգրողի։

* * *

Գրքի 9-րդ գլխում, Ռ. Գրուսեն հետևելով հայ ժամանակագիրներից Սերեոսին, Արտեմիդին, Վարդանին, Ասողիկին, նկարագրում է Հայաստանի վիճակը արարական տիրակալության շրջանում։

Գրուսեն միանգամայն հակադրական ու իդեալիստական եղանակով է դնահատում նաև արարների վերաբերմունքը Հայաստանի նկատմամբ, դրա հիմքում ևս տեսնելով անհատների նախասիրությունները։ Նա գրում

է. «Արարական դինաստիան վատ էր տրամադրված Հայաստանի վերաբերմամբ, նրա համար, որ Մամիկոնյանները հույների կողքին էին կռվում, իսկ Բագրատունիները օմայյանների կողքին, Արրասյանների դեմ (էջ 320)։

Բրուսեն իրավասիտներն նշում է, որ Արրասյան խալիֆատների ժամանակաշրջանում հայ ժողովրդի կեղեքումը ծանրացավ, որին նպաստեց Հայաստանը հնազանդեցնելու նպատակով Հայաստանում արար բնակիչներ հաստատելու քաղաքականությունը, որը և ստիպեց հարստահարման ծայրագույն աստիճանի հասած հայ ժողովրդին, մասսայաբար դիմել արտագաղթի, բայց և այնպես հեղինակը բացարձակապես չի պնդում, որ հայ ժողովրդի պայքարը արարների դեմ։

Բրուսեն, Աշոտ Մսակերի կապակցությամբ հարուցում է մի հնացած հարց, այն է՝ Ն. Աղոնցի առաջարկը նշանավոր պատմաբան Մովսես Սորենացուն համարել 775—826 թվերին ապրած մի պատմիչ։

Այս հարցը 19-րդ դարից ի վեր պատմաբանների և բանասերների կողմից բանավեճի առարկա է եղել։ Այժմ խնդիրը վճռված համարելով, ավելորդ է նրա մասին խոսել։

Սովետական դիտարկումներ, ակադեմիկոսներ Մ. Արեղյանը, Ստ. Մալխասյանը և ուրիշները ապացուցել են, որ հակառակ Ֆրիդկանդիների կրակացության, Կարիերի, Սալթանի և Ն. Աղոնցի փաստարկումներին Մովսես Սորենացին մեռել է 5-րդ դարի վերջին հիսնամյակում և 6-րդ դարի սկզբներին ապրած մի պատմագիր։

Ռենե Գրուսեն իր աշխատության 11-րդ գլխի հատկացրել է Բագրատունիների պատմությանը, դերազանցապես տալով թաղավորներին, իշխանների պատմությունը։

Անդրադառնալով Աշոտ 1-ի թագավորությանը՝ հեղինակը գտնում է, որ այն բացարձակ միապետություն և կամ կենտրոնացված իշխանություն չէր, այլ գոյություն ունեին միասնությունից դուրկ ֆեոդալական... հարաբերություններ, ապա, Գրուսեն իրավացի կերպով նշում է, թե այդ՝ չորս և կես դարի ընդմիջումից հետո արևելքում մեծ ապստամբություն առաջացնող մի ակա էր, նրանով ժամանակակիցները, քանդված հայկական թագավորությունը վերականգնված տեսան։

Այնուհետև խոսվում է թոնդրակյանների մասին։

Ռենե Գրուսեն գտնում է, որ «Բագրատական

ու զոգմատիկական բնույթ կրող մոլորում-
ներին զուրա, Թոնդրակյան շարժումը խան-
դարում էր հայոց եկեղեցական հիերարխիան,
ներանցից օգտվում էին, սահմանամերձ երկ-
րամասերում, դադարի կամ բացահայտ ար-
մենիդմի հակառակորդները: Այդպես էլ եղավ,
Սյունյաց Հակոբ եպիսկոպոսը (918—959)
փորձեց, ուղեց բաժանվել հայոց կաթողի-
կոսից, առարկելով՝ «Թե ձեռնադրու չէ մի եպիս-
կոպոս նվերներ տա մի ուրիշ եպիսկոպոսի»:
«Երկուր հիերարխիան քանդող տրամաբա-
նություն և դերագանցապես Թոնդրակյան»
(էջ 470):

Գրուսեն, որպես պաշտպան հոգևորականու-
թյան հիերարխիայի, հանդիլ է սխալ հետե-
վություն:

Սովետական պատմագիտությունը, ելնելով
պատմական մասերիալիզմի սկզբունքից,
Թոնդրակյան շարժումը դիտում է ոչ թե
որպես «բարոյական և տոհմական բնույթ
կրող մոլորումներ», այլ սոցիալական մի հսկա
շարժում, որ հայ ժողովրդի կյանքում հան-
դես է դալիս որպես դասակարգային պայ-
քար:

Այս ալն ժամանակաշրջանն էր, երբ աշխա-
տավոր ժողովրդի կեղեքումը հայ Ֆեոդալ
խշխանների, եկեղեցու և հոգևորականների
կողմից շարունակվում էր ավելի մեծ չափով:
Օրեց-օր սաստկացող այս կեղեքման դեմ էր
ուղղված Թոնդրակյան լզուղացիական շար-
ժումը:

Բղեալականացնելով Բյուզանդիան և նրա
դորավարներին, մասնավորապես իդիալակա-
նացնում է ծագումով հայ դորավարներին:

Ամեն կասկածից վեր է բյուզանդական
կայսրության մեջ հայ պետական կուլտուրա-
կան դործիչներին, դորավարներին ու դորքերին
խաղացած զգալի դերը և դա բնական է,
քանի որ հայերը զգալի տարր էին կազմում
բյուզանդական կայսրության մեջ, իրենց հետ
տանելով իրենց կուլտուրան և վարչա-ոազ-
մական սիորձը, սակայն հեղինակը փոխանակ
այս բոլորի մասին դրելու, կանգ է առնում
միայն նրանց հայ ծագման փաստի վրա:

Թեոֆիլ Գրուսեն Բաղրատունյաց ինքավո-
րության անկման զխավոր պաաճառները
համարում է բյուզանդական ճնշումը, Հով-
հաննես Սմրատի «ճակատագրական կտակը»
և դործողության ակտիվ դերակատարների՝
Պաղիկ 2-րդի տատանումները, Պետրոս Փե-
տադարձի բնչասիրությունը, Վեստ Սարգսի
ծախվածությունը, մանավանդ Գրիգոր Մա-
գիսարոսի անգործունեությունը:

Հեղինակը մոռանում է հիմնականը այն
սոցիալական հանգամանքները, որոնց պայ-

մաններում կատարվում էր այդ ամենը: Ինչ
էր ներկայացնում հայ հասարակության իրա-
կան պատկերը 11-րդ դարում: Երկու դասա-
կարգեր՝ մի կողմից աշխարհիկ և հոգևոր Ֆեո-
դալներ, տիրացած կուտակված հսկա հարս-
տություններ, իսկ մյուս կողմից սեփակա-
նագրկություն, կեղեքվածություն: «Մինչև
այժմ գոյություն ունեցող բոլոր հասարակու-
թյունների պատմությունը եղել է դասակար-
գային պայքարի պատմություն»¹: Այս պայ-
քարի պատմությունն է, որ կրկնվում է հայ
ժողովրդի պատմության էջերում: Ժողովրդի
դեմ պայքարելով, Ֆեոդալները պատրաստ
էին նրան զոհ տալ օտար տիրապետության:

Վերջին զխում հեղինակը հետևելով Մա-
թեոս Ուռհայեցուն, պատմում է 1045—1048
թ. թ. Սեյունկյան արշավանքը:

Այս կոսպակցությամբ Գրուսեն դատապար-
տում է հայկական և վրացական դորարա-
նակները լուծարքի ենթարկելու բյուզանդա-
կան քաղաքականությունը, ինչպես և վար-
չա-Ֆինանսական ծախքերը հոգալու համար
սահմանվող կործանիչ հարկային քաղա-
քականությունը, քանի որ այդ ամենը ճա-
նապարհ բացեցին սելջուկ նվաճողներին առջև:

* * *

Եզրափակելով ակադեմիկոս Թեոֆիլ Գրուսենի
սույն բնդարձակ աշխատության բնությունը
նվիրված մեր գրախոսությունը, պետք է նշել,
որ այն ընդգրկում է Հայաստանի նախնա-
դարյան համայնական հասարակական ժամա-
նակաշրջանից մինչև զարգացած Ֆեոդալիզմի
շրջանը, որտեղ մենք հանդիպում ենք հայ
ժողովրդի կազմավորման մասին, օտար և
հայ պատմագրերի հակասական կոնցեպցիա-
ներին: Այս գանադան թերիանների քննարկ-
ման ընթացքում հեղինակի կողմնորոշումն է
բուրժուա-նացիոնալիստական դադափարախո-
սությունը, հակառակ այն բանի, որ այդ մե-
թոդոլոգիան ոչ մի հաստատուն հիմք չունե-
նալով, կորցրել է պատմագիտական արժեքը:
Հեղինակը նպատակ ունենալով ներկայաց-
նել Ֆրանսիական ժողովրդին հայ ժողովրդի
և Հայաստանի անցյալի պատմությունը, չի
կարողանում տալ նրա բնահանուր բնութա-
դրի հարազատ պատկերը, այսինքն հասա-
րակական-քաղաքական, տնտեսական, կուլ-
տուրական կյանքի հարատև առաջընթաց
զարգացումը:

Նման բուրժուական մյուս պատմագիրնե-

1 Կ. Մարքս և Զ. Էնգելս, Գոմու-
նիստական պարտիայի մանիֆեստ, Հայպետ-
հրատ, Երևան, 1948, էջ 18:

րի, հեղինակը, անտեսելով սոցիալ-տնտեսական իրադարձությունները, Հայաստանը և հայ ժողովուրդը ներկայացնում է որպես «ազդեցության գոտի»:

Ռենե Գրուսեն կարծեք խուսափում է սոցիալական հարցերի քննարկումից, նաև այն պատճառով, որպեսզի հաճո երևա հայ բուրժուազիային և հոգևորականությանը:

Հեղինակը ազդային ազատագրական պայքարին տալիս է կրոնական բնազդ, դնելով այն հոգևորականության ազդեցության ներքո, անտեսում է ազդային ազատագրական շարժման ստեղծողին՝ հայ ժողովրդին:

Անտեսված են ժողովրդական սոցիալական շարժումները և դասակարգային պայքարը և որով հարուստ է հայ ժողովրդի պատմությունը: Նա այդ շարժումները ներկայացնում է որպես «կրոնական մոլորությունների ծնունդ»:

Զկարողանալով գտնել սոցիալ-տնտեսական հակասությունների պատճառները, հեղինակը բոլոր անհամաձայնությունները կամ թշնամանքները բացատրում է ֆեոդալական բարո-

յակախոսությամբ, կամ վերագրում է ֆեոդալական կենտրոնախույս ուժերին:

Ֆեոդալական հասարակական ֆորմացիան հեղինակի մոտ նույնացված է ֆեոդալական մասնատվածության և երկպառակությունների հետ:

Աշխատությունում չկա հայ ժողովուրդը, չկան դասակարգեր և նրանց փոխհարաբերությունները: Միայն պատմության ասպարեզում երևում են դործիշներ, կրոնական կամ աշխարհիկ իշխաններ, թագավորներ:

Ռենե Գրուսեն, ուսումնասիրելով հայ ժողովրդի քաղաքական պատմությունը, նույնիսկ չի կարողացել դրսևորել հայկական պետականության արտաքին քաղաքականության իսկական էությունը, որը բնորոշելու համար կոչում է «Պրոտեկտորատ կամ «կլերտ» սերների իշխանություն»: Հարադատ բացատրությունը նա կարող էր կարգալ «Փավլստոս»-ում, ուր հայկական արտաքին քաղաքականությունը բնորոշվում է Վասակ Մամիկոնյանի կողմից Սասանյան Շապուհին ուղղված հետևյալ խոսքերով.

«Այժմ քո տեսնալ զիս անձամբս փոքրիկ,
Եւ սուրն իմ ոչ է բնդ իս,
Ոչ առեր զչափ մեծութեան իմոյ.
Զի ցայժմ ես քեզ առիւծ էի և արդ աղուէս:
Բայց մինչ ես Վասակն էի, ես Զեզ սկայ էի,
Մի ոտնս ի միոյ լեռին կայր,
Եւ միւս ոտնս ի միւսոյ լեռին կայր.
Յորժամ յաջ ոտնս յենուի,
Զաջ լեռնն բնդ գետին տանէի,
Յորժամ ի ձախ ոտնս յենուի,
Զձախ լեռնն զետին տանէի»:

Դ. ԹԱԶԻՐՅԱՆ